

QUINGE AN !

Quinge- an ! Coume li flour soun bello ;
Quet perfum requist es lou siéu !
Coume lusisson lis estello
Amount, au reiaume de Dieu !...

Quinge an ! La naturo aboundouso
Viro un fiol de soun libre d'or ;
Semenò la grano amourouso
Que s'agermira dins lou cor.

Quinge an ! Tout sourris. Dins la lèio
Moune, pèr dous trefoulissèn,
L'amour espelis li Mirèio
E fai s'esmòure li Vincèn.

Quinge an ! Coume es siavo l'aureto
E coume soun alen es dous !
Coume l'aucèu sus la branqueto
Bresihounejo, amistadous !

Quinge an ! Mes de Mai de la vido !
Printèms que flouris qu'uno fes !
Quinge an !... Li fiho soun poulido,
Li cor treboula fan tres-tres !